


唐文粹

五十五下之五十七



碑


内閣文庫		
西函	三七九六	漢書類
三架	三六冊	

内閣文庫		
三函	三七九六	漢書類
一四架	三六冊	

内閣文庫		
番號	漢	3796
冊數		36(22)
函號		362 41

廿一
共三十六

孫集



綴じ部(喉部分)の文字など開きが不鮮明な箇所あり

唐文粹卷第五十五下碑七

禮四附

唐和麗妃神道碑

張說

唐鄭國長公主神道碑

張說

唐岐陽公主墓誌銘

附杜牧

唐東光縣主神道碑

李華

唐和麗妃神道碑銘

并序

張說

淺草文庫

舊史

云軒轅帝宮次星具黃龍之體郊禘神祀次妃成

玄鳥

之命也莫能法天非天也莫能感聖則有相

乎坤

言焉麗妃天水人也麗者以華美為貴妃者以配

合為

尊易云日月麗天傳稱星辰合度麗加妃號自我


為初原夫八駿觀周肇有封姓三軍霸晉乃蕃卿族設

寶符而開國曳珠履而承家果驗成宣之後不乏文忠

文粹卷第五十五下

文粹卷第五十五下

同



之慶堯門昭殿何代無人暨乎紫氣上通瑤臺獨立楚
宮選美納良袂於神雲漢掖求才進團扇於明月故坐
而論教則比位三司動而具瞻則儀刑六列者矣先將
軍以恩澤授職太夫人以有禮封鄭流車躍馬豈無甲
觀之親湫宅閉門不有椒房之勢探風揆化憂國如家
故聖人有以尚其德也躬親繭館義形熊檻退席以愛
禮膠木以廣恩望古難臻之地必為常踐之域故聖人
有以嘉其志也懸象告泮經時寢疾在蒙被之辰荅還
輦之問生可損於浮假心徇係於玄真神往上清願承
恩而入道形歸下土期去地恒而薄葬慈顏同氣奚敢為
言皇上閔而許之咨嗟不已開元十四年春秋三十有
四七月十四日薨於春華殿以殯於龍興觀之精屋示以
出家從道例也命河南尹監護河南今副馬喪葬務約

成遺語也二十六日定於故都之後邛山之陽孺慕承
華悽涼薄室列薤歌於東路迴容衛於北山壽堂一閉
兮九聖等人代同悲兮脩短間月帔雲衣祿以神仙之
服上方陶籛旋於造化之初此皆聖主之曲成賢妃之
本志何必雲陽山下別起通靈之臺未央宮中虛立致
神之帳若夫易名之典考行是存帝謚曰和禮之貴也
氣之和者生萬物聲之和者孕八音魂而有知感聖恩
乎有詔史臣恭銘內職事出彤管辭無華飾寫樂池之
永傷寄瑤山之罔極銘曰

帝妃佐后實掌陰教八月選才千金聘貌禮獻絲繭詩
修澣濯婦政可尊嬪風骨效皎皎漢女為皇降靈娥娥
邦媛順道之經結以印綬華光後庭帶之弓韞郎潤前
星退迹潛運夙承嘉猷謙苦中京崎嶇七黨金鏡開日

明珠耀掌心方樂於時秦魂奄悲於化往紫雲衣兮霓裳送美人兮北邙白壤宮兮青松苑去君恩兮日遠秋風急兮霜天草木黃兮野田滅香容於空柳留畫像於甘泉春秋以麗和之二字獨襲美於千年

鄔國長公主神道碑銘

并序

張說

臣聞堯有娥英承九族之敦序舜有宵燭動百里之光耀大聖之後天必縱之積善之家神所慶矣豈惟上帝之女雲漢爲靈平王之孫肅雍其德連華前志世有其人皇唐鄔國長公主者睿宗之第七女也母曰崔國妃構累聖而成門合濟美而爲室蘊乾坤之純粹演日月之清明神媛誕靈常言所絕免懷之歲天奪聖善不食三日哀此成人文母流胎教之慈曾子得生知之孝由是宮闈延矚邦國遠聞及乎王笄耀首油駢在馭錫之

美地邑以荆山求之令族嬪于薛氏爾其君既圖史功脩法度服其澣濯恭儉之教興鼓其琴瑟敬讓之風被其行已也安親惠下之謂仁敬宗好合之謂義降貴接卑之謂禮恕情周物之謂智推心而行罔不該備其埋冢也侍膳饗鍊之均和主饋醴醢之品齊絲竹五音之微靡纂組九華之縟麗經目所涉莫不精詣每至三元上賀五日中參進對詳華折旋舒婉故以式瞻貴理儀範通門如千花之汎惠風百卉之涵膏露窈窕之儀克舉蕃衍之福大來有男子四女子五瑤碧生階芝蘭滿室也習禮明詩日漸庭闈之訓銀章女綬地連恩澤之侯自先朝徹宸之辰迄今公主成笄之日外降過制內疾餘哀手寫金字梵經三部躬繡綵線佛二鋪貝葉真偈現心相於銀鈎蓮華妙容呈意生於玉指孝思惟則

道遠乎哉開元繼明推恩由已進封即國長公主食邑
一千二百戶田賦廣而彌儉禮秩尊而益恭其後君子
晨歌天人晝哭未亡為稱生意盡矣撫視遺孤將守栢
舟之誓志期剝落未從禁死之游朝制斷恩改降鄭氏
陵谷可移隋和之德不昧寒暑有遷松筠之性如一均
養七子麻廕二宗分陰之室忘亡榮陽之黨相慶既而
善福虛應寢疾彌留盡國鑿之伎遠方畢至供御府之
藥中使指望命之必至不可枝也堂邑山林忽焉瘁色
平陽歌舞適足愁人開元十三年二月庚午薨於河南
縣之脩業里春秋三十有七震悼紫庭哀傷未卹傾家
若墜舉國同悲有詔光祿卿孟溫禮監護喪葬京兆尹
能延休副焉窆安之禮一如涼國公主故事夏四月恩
旨陪葬於橋陵不祔不從古之道也皇上念同氣之致

美感閩川之永謝恨棟華之半缺悲瑤草之先化乃命
國史昭銘懿迹降恩禮於雲露寫哀辭於金石水非湘
渚還起帝子之祠山是洛陽即封天妹之塚銘曰帝系
白雲仙源紫氣漲家成國承天作貴赫赫聖祖曰文曰
武皇皇睿宗一變萬邦挺生淑媛慈和孝恭清臚如神
蛾眉無雙邸第立官湯沐建封爰及笄總禮施環珮鳴
鳳獻祥乘龍擇對帝去居降文天乙歸妹珠玉過庭蘋蘩
正內蛟門早闐龍湖忽上無地何載無天何仰金澱書
經華絲繡像欲報之德昊天罔極孰是言歸良人未違
銀爐煙斷羅幕霜飛懇願毀形託身壞衣不諒人只改
嬪他士稟命曰從從人曰順息媯繩楚懷羸霸晉反經
令權與道同韻燠休二室均歡等潤四海謚清九族和
平萬物向榮衆鵬未成心戀盛明形隨落英祖載鼎城

歸窆咸京挽歌駮聲鹵簿凶行哀哀聖情惻惻同生橋
山片石千秋令名

唐故岐陽公主墓誌銘

杜牧

憲宗皇帝即位八年出嫡女冊封岐陽公主下嫁于今
工部尚書判度支杜公琮始憲宗時宰相權德輿有壻
獨孤郁為翰林學士帝愛其材因命宰相曰我嫡女既
笄可嫁德輿得壻獨孤我豈不得邪可求其比後丞相
吉甫進言曰前所奉詔臣謹搜其人因名我烈祖司徒
岐公曰有孫兒琮年始弱冠德行文學秀朗嚴整臣嘗
為司徒吏熟其家事官族世婚習尚守治臣一皆侍度
疑琮可以奉詔帝即召尚書見與語大悅受殿中少監
服章金紫以元和八年某月日主下嫁于杜氏上御正
殿禮畢由西朝堂出節幡鼓鐸儀物畢備引就昌化里

賜第上御延喜樓駐止土輪尚書及賓侍酒食金帛奏
內樂降嬪御送行賜第室有四廡績祿藻櫺丹白其壁
泚龍首水為沼主外族四請願以尚父汾陽王大通理
亭沼為主別館當其特隆貴顯榮莫與為比主實憲宗
皇帝嫡女穆宗皇帝母妹敬宗皇帝今天子親姑尚父
汾陽王子儀外曾孫太皇太后始以正妃事憲宗以太
后太皇太后愛養三朝凡四十年德厚慈恕化充六宮
主以一女之愛降于杜氏遠事舅姑杜氏大族其他宜
為婦禮者不翅數十人主卑委怡順奉上撫下終日惕
惕屏息拜起一同家人禮度二十餘年人未嘗以絲髮
間指為貴驕始與尚書合謀曰上所賜及婢奴卒不肯
窮屈奏請納之上嘉歡許可因錫其直悉自市寒賤可
制指者自是閉門蓬然不聞人聲尚書讀書考今古治

亂主職婦事承奉天族時歲獻饋吉凶賻助必親自經
手池塞館侈闢毬場種樹不數年措紳閭雜然稱尚書
有賢婦尚書旋出為澧州刺史主後尚書行郡縣聞主
且至殺牛羊六為數百人供具主至從不二十人六七
婢乘驢闔葺約所至不得肉食驛吏立門外昇飯食以
返不數日間聞于京師衆譁說以為異事尚書在澧州
三年主始入後出中間不識刺史廳屏尚書治澧州考
治行為天下第一後為大司徒京兆尹鳳翔節度使朝
廷屈指比數以為凡有中外重難非尚書不可主賢益
彰雖至宮闈貴號亦加尊敬姑涼國太夫人寢疾比喪
及葬主奉養蚤夜不解帶親自嘗藥粥飯不經心手一
不以進既而哭泣哀號感動他人尚書後為忠武軍節
度使所治許州創為節度府五十年南迫於蔡蔡屋室

卑庠主居無正堂處東支屋一恬然六年許軍強雄
劇寇自始多用武臣治各出已部曲家人庇政施法
為循常有司用此邊障遠地擲置不問民亦甘心尚書
再治之老民相率兩走闕下遮丞相馬叩頭乞留請樹
生祠及詔追去攀緣攜扶哭於道路尚書治外主治內
尚書所至必稱前前為名公偉人主實有內助焉穆宗
以太皇太后敬王充為親信俯首益卑車服侍使愈自
貶抑覲謁溫清外口不言他事訖穆宗朝人不以親貴
稱當貞元時德宗行姑息之政王武俊王士真張孝忠
子聯為國壻憲宗初寵于頓來朝以其子配以長女皆
挾恩佩勢聚少俠狗馬為事日截馳道縱擊平人豪取
民物官不敢問戒里相尚不以為窮弱自主降于尚書
壁絕外之初怒中笑後皆敬畏累聖亦指示主德以誠

警之至于今以主尚書顯重於中外戚里亦皆自檢劔隨短長為善於是舊俗滅不復有尚書自許秦急追詔主有疾小愈強不肯留曰去朝興慶宮縱死於道吾無恨以開成二年十一月某日薨於汝州長橋驛享年若干上廢朝三日其年十二月某日主喪至京師比及葬兩宮弔問相繼於道開成三年某月日上御正殿詔丞相嗣復攝中書令正衙宣冊謚曰莊淑大長公主某年某月日祔葬于萬年縣洪原鄉少陵原尚書先塋禮也生男二人長曰輔九年十歲次曰揚十始二歲女二人某於尚書為從父弟得以宣貞銘銘曰

章武皇帝唐中興主刑丁正妃教及嫡女婉婉帝子下嫁時賢影逐響吞隨順師蟬綿杜氏大族枝蔓蟬聯上有舅姑高堂儼然螭綬龜立早玉佩金軒養色悅意侍後承

前人不我貴我敬我虔始終盡禮大小周旋餘二十年誰與間言貴不召驕富不期後是此四者倏相首尾自古名士或泥於此孰謂帝子超脫擺弃婦職是勤天言是指地荒館侈屏外不履淑德柔風天下傾耳宜乎壽考歸女婚子不錫全祉孰提神紀幽石有誌顯筆有史流于千祀

唐故東光縣主神道碑銘

并序

李華

先朝宗室之望曰紀王太宗第十子也惟帝旋母師曰東光縣主紀王第三女也自天降祐生有令德年八歲王不豫循環左右不食累日王撫首諭焉為之進膳縣主察起居未復憂色如初勤於神祇王疾用間周文樂正之養不過焉至若天人之秀元氣之純積於中於外其容可知也孝以奉親慈以臨下尊師傳服幹濯其

德可知也禮傳為簪珥詩書為珮玉原心而顧身體訓
而成教其言可知也降尊而處下推泰而從約詣繡繪
之妙適飲膳之和其功可知也年十八受封邑王擇聞
喜公以妻之聞喜有王佐之材委會蕃邸縣主以皇孫
之貴和鳴侯家陰德莫違輝動邦教養先姑如寧膝下
奉君子如見大賓以徽柔睦睦姊姒以莊敬端幼賤鵲巢
之化存焉太后臨朝諸武庫守政魯衛之國翦焉丘墟紀
王流竄巴濮薨於道路縣之士承訊崩心嘔血每一發聲
飛鳥哀鳴草木無色外除之後衣裳無純綵杯圈無其
食耳不聽聲音不加飾自朝廷達於寓內罔不哀之太
后復辟中宗出震日昇賜谷天下文明雷破羣陰品物
咸遂以王懿親盛德詔有司備禮物陪葬昭陵聞喜公
時為孝義令詔書至河縣主聞之嘔血而絕絕而復蘇

告諸子曰家國再造寬一酷獲申為我謝中外親親下見
先王瞑目無恨言未畢山川蕩春秋十五有四特神龍元
年二月二十二日有司以聞中宗震悼召聞喜公問公
悉以對上歎歎久之殿省一垂泣六宮悽愴乃下詔褒美
史官撰德弔祭賙贈禮過其備矣深於春秋者歎曰孝
之至不忘其親忠之至乃心王室自古賢士大夫莫能
備舉惟縣主有焉紀王之陷非罪也泣血以終哀中宗
之撫輿運也則感深而殞絕忠孝兩極首其人倫使百
代之下聞其風者有以勸焉其為不匱遠矣嗚呼天輔
善人真其有後男十人女十人四子至大夫曰邁
曰邁邁仁則踐修孝惟明發少子德位兼盛曰迥今河
南尹兼東都留守上柱國祿益厚而慕益深不逮劬勞
之報故也街涕投簡而命下吏敬銘三章式表幽宅其

文曰

肅雍王門天帝之孫因心則孝懷威敬尊配美良士如
賓禮存泣血終身豈惟霜露慶集家國魂清塚墓壽絕
哀歡事高湘素天作邱山萬化攸歸地閉金印泉深袞
衣國風悽愴彤管無輝

晉府

勅賜養德書院校正重刊

唐文粹卷第五十五下

唐文粹卷第五十六

碑八 摠四首

吳興姚

鉉

贊

宰輔

唐中書令梁國公一姚崇神道碑張說

唐丞相尚書左僕射王播神道碑李宗西

唐丞相太子少師牛僧孺神道碑李珣

唐丞相中書侍郎齊抗神道碑權德輿

唐故中書令梁國公姚文貞公神道碑銘并序

玄宗御書

張說辭

叙曰八柱承天高明之位定四時成歲亭育之功存畫
為九州禹也堯享鴻名播時百穀棄也舜稱至德由此
言之知人則指非賢罔致君堯舜何代無人有唐元
宰曰梁文貞公者位為帝之四輔才為國之六輔言為
代之軌物行為人之師表蓋維嶽降神應時間出者也

唐文粹卷五十六

公諱崇字元之姚姓有虞之後遠自吳興近徙于陝今
家洛陽焉烈考長沙文獻公樹勲王室建旗萬府公統
綺而孤克廣前業激昂成學榮問日流武庫則牙戟森
然文房則禮樂盡存弱冠補孝敬挽郎又制舉高第歷
佐濮鄭並有聲華入為司刑丞天授之際獄吏峻密公
持法無頗全活者衆進夏官負外郎郎中侍郎朝廷曰
能遂掌軍國遷鳳閣侍郎監修國史兼相王府長史始
則天人讓王承置醴之顧終以飛龍利見延賒乘之恩
自時厥後恒當大任凡三處兵部尚書三入中書令一
為禮部尚書左庶子又肅政大夫摠靈武軍兵馬又司
僕卿知隴右監牧出典毫宋常越許申徐潞揚同十郡
景雲初以藩邸舊僚封梁國公食賦百室公性仁恕行
簡易虛懷沉愛而涇渭不雜真率徑盡而應變無窮常

推是心以御於物故所莅必吐庶風偃鷲很化從言下
勵而教成政不威而事理去思觀頌求暮聞歌既登邦
政卒乘輯睦及在宗伯神人允諧今之中書是為理本
謀事兼於百揆論道摠於三台公執國之鈞金玉王度
大渾順序休徵來臻懋德格天名遂身遜拜開府儀同
三司崇其秩逸其志也初太夫人在堂公受職西掖頗
限高禁求侍晨昏優詔既許尋令還職公固請以泣制
曰家有令弟足慰母心國有棟臣安可暫闕其後剖符
江表敷諭起復哀麻外墨纒棘內毀變禮中權通識所
貴神龍之首預聞興復疇其并賦累讓而停夫以革故
鼎新大來小往得喪而不形於色進退而不失其正者
鮮矣君子曰忠不忘親仁也哀不違事義也讓功辭邑
禮也濟代全名智也仁以長人義以和下禮以安上智

以周身宜其光輔四帝軒冕三紀池臺琴筑優游暮齒
傳爵上於祚胤保祿位於終始矣享年七十有一開元
九年九月寢疾薨于東都慈惠里皇上悼焉國人慕焉
撫棺輟養曾未去比制贈揚州大都督謚曰文貞禮也
十年二月葬於萬安山之南原在疾也王人賜膳御醫
視藥于薨也中使弔臨羽儀哀送君臣之義厚莫重焉
子昇子昇思綴遺美以寘罔極有詔掌文之官叙事盛
德之老銘功將以寵宗臣揚英烈帝乃灑恩仙翰鏤澤
豐珉日月臨照於佳城煙雲變態於神道寶其文字別
為羣玉之山禁其樵蘇即表三司之墓銘曰

源深自虞派別從吳避地魯陝居家洛都神明遠契歲
瀆真符翊聖斯偶生賢不孤仁將勇濟孝與忠俱學刃
擯植文鋒迅驅終安卑位即騁長途惟實惟有若虛若

無再三軍國一二訂謨戎旆尤重王綸最樞兼司任切
久政榮殊黼藻彌煥丹青非渝以寬容物以鑒分區外
或形放中恒禮拘箴雖誠口諍亦忘軀但觀渾璞誰詳
瑾瑜伊臯尺寸管樂錙銖名正身遂言誠願孚方辭漢
祿更辱齊組既積而散窮嶽盡娛川歸東極日去西晡
上側旒袞旁悲路衢藍田美玉荔浦明珠載廣休慶爰
弘典謨豐碑迺立盛業其鋪帝念頻軫仙毫特紆黻金
刻石鳳篆龍圖七耀光動三泉澤濡銓能叙事理鬱詞
數求舊銘實慙殫恧蕪緬思雲霧尚想江湖有道之德
其何以踰延陵之墓空此嗚呼存歿終始遐哉邈乎
唐故丞相尚書左僕射贈太尉太原王公神
道碑銘并序
李宗閔

上即位五年正月丞相左僕射太原王公以癸未發疾

其明日遂薨於位天子震悼慙惻遽命內謁者詣其室
索其所以飲食寢作之端既詳其無他狀遂賻布帛菽
粟率用峻等既又不塞痛軫之意加內府之絹千匹以
錫之為之罷朝三日命兵部侍郎一人持節駕駟蕭鼓
出自正殿直抵柩前冊公為太尉葬有日官給祕器及
就途遣巫人巫臨視之命羽葆旂常輅車之飾皆及墓
俟其返虞鼓聲四節於里第而還示不與常制也其子
鎮以宗閔晚陪公於相位之末稍窺公之行請銘其烈
以垂于後且不宜拒遂鋪其榮聲所能言者於金石云
公諱播字明敷太原人周靈王太子晉之後以歷世為
主因而受氏高祖滿汾州長史生太父璉嘉州司馬給
事中司馬生昇咸陽縣令太子少師少師生恕揚府倉
曹參軍尚書左僕射公僕射元子也忠敬而本仁寬明

而有制內顯而敏外肅一而和貞元十年舉進士第是歲
策賢良以直言校書於策賢殿其言平戎經國之術粲
然可舉調尉整屋斷獄首出御史中丞李汶愛之奏為
監察御史按雲陽丞源咸季以賊免用疑文不宜調而
調因謁於臺遂捕劾之追姦胥窮律旨奏流咸季刑曹
部罷所居官給事中以省詔非是奪俸緣而坐罪者甚
衆自是風聲不可遏矣為御史時京兆尹李實文皇寵
委能禍福卿士凡其榮衰繫所附背舉朝迎避其鋒公
在途而實來揖公移文詆之其詞可羞實遂奏公為三
原令求其不足於禮以持之公至尹署泊羣吏之館還
其邑敬府之禮無不具實既出其筭反加畏焉縣之編
於戶者多中貴人前令率不能自為其政弛張牽之公
悉召所謂貴人者入坐堂上拜曰敬桑梓宜如是也邑

人大駭從其所指為長安令朝廷方恩于頓而以帝女
嫁其子民有與于氏蒼頭同盜人馬者前令補民而縱
其蒼頭公始至縣即立取其奴而與民均其法知御史
雜事京師饑穀起價京西諸侯相率閉粟公移之簡書
徵秦晉泛舟之說西鎮惴惴收去條令粟流于秦元和
四年為御史中丞歲中知京兆尹六年為刑部侍郎充
鹽鐵轉運使上言流人會赦而歸獨配囚為隔遂無還
者請率以七歲為竟至今用之尋加禮部尚書益以御
史大夫又以戶部尚書節度西蜀長慶初覲穆宗言中
外之事遂留為刑部尚書復幹鹽鐵冬拜中書侍郎平
章事仍其職臣維激發始以進賢為急上方有意河朔
以財賦始出於方土二年公用相印為淮南節度使以
其職隨之四年言事者謂鹽運之設且留京師用制方

士加檢校司空去其使未幾上念公成法又以使屬公
加司徒今上踐祚急詔徵公至即拜左僕射同中書門
下平章事仍其使尋兼太清宮使累進爵至太原郡開
國公食邑二千戶進階至金紫光祿大夫年七十二而
薨公入官三十二政逮事六帝出統楚蜀之師入極台
宰之尊前後三總鹽鐵既去又復幾二十年天之所覆
地之所載寧有獨私於公耶必有以當其然也一署吏
苟不犯無能奪其任者歲時奏課在于榮大吏胥次遷
亦如之故人用安其為善莫有欺公者雖遠至海裔若
摠轡管捶窮年不死一吏貶一職而羣務自濟凡朝廷
平淮取鄆屠汴下滄景干戈不息者十五六年饋餉資
費隨其緩急而並辦沛然若神給其間溝琵琶導潁河
以漕輕舟師人坐受其飽疏三門挽沈石以濟巨壚關

中遂亡其饑薦皇甫鍊之強敏而縛反短公於上公猶不知上謂其長者論且忠信矯制逗撓之將期必抵於罪時服其敢為深涉俗不境導齟齬而為忠槩人曰真宰相器也推征之外有姓緡率貢內帑號為羨進貞元中歲不過十二萬緡及公歲貢百萬緡凡國有大征伐不慮其費之有無洎丞相晉公專征討之事兵食之給悉出於公公方從容以替其成及滄景平公有叶力之助自御史中丞京兆尹均賦秉政未嘗書笏為記善於啓奏天子不能自守其吉吾怒公以專志持務密匡於上行已寡徒不喜伐露由是八數帝任遇多被恩澤權利去留如在諸已人多意公能如諸合於時及公再持相印與晉國洎一二公同輔於上趨嚮甚直雅符於道苟所舉公是公必扶之即非是公遂嘿嘿不和由是上知公重厚

而同列亦聳待之乃見公之所為與嚮之不知者期公蓋甚矣也公既屈於名而伸於富貴豈非盛德君子神明之所祐耶故夫人清河崔氏給事中銳之女嗣子式秘書丞砥服名教下以丞相子自居其身次日冰始授京兆府參軍事器庶以宏遠公之仲弟曰炎季曰起與公三人俱用文學奮以江左西遊長安七中甲乙時議偉之公歿不幾日而赴以戶部尚書司國之計門闈之士咸來哭賀羣吏之赴如籍繁夥一如公之時其亦於世難求也其從事故相國程公昇今荊州相國段公文昌其他分居中外羅諸蓋至閣者不啻三十人銘曰
歲在大和惟帝聖神竹圖任舊臣乃相太原維是太原福祥其奔再持化權極極探聯聯兩統劇藩楚淮蜀坤始目元和公秉貨泉憲極極敬文洎茲聖君四帝財征去公孰

親惟黃惟鑄惟範惟聚東掃北殄上之所怒帶甲百萬
餼食惟巨俾公尸之不勞而具變通以時物無滯遺網
條一施莫越其規惟仰衆以仁中控其機信行恩馳罔有
詐欺公之惟揚漕功切其將公之留庭職與公并首尾貫
聯幾二十年相符法以府隨其興祖公之敏智顯爵自至
不緣其外姑直其畜衣始承其風畏公之遠及與之同冰
公之易仁人之跡以久而乃熾揭於茲碑不仆不倚

唐丞相上八子少師贈太尉牛公神道碑銘序

李珣

天球河圖有國之上八寶麒麟鳳凰王者之嘉瑞方於賢
考即又次焉天祐我唐才傑閒出輔時興化代有其人
公諱僧孺字思黯毗西狄道人本子姓漢人有牛崇爲隴
西主簿因家焉代爲西州蒙族八代祖弘仕隋爲吏部

尚書封奇章公佐佑文帝有重名於時高祖鳳中宗時
爲春官侍郎掌國史曾祖休克集州刺史贈給事中祖
父紹太常博士贈太尉父幼聞華州鄭縣尉贈太保公
七歲而孤依倚外族周氏嶽嶽卓卓有老成之風以喪
禮自處未嘗戲弄年十五知先奇章公城南有隋室賜
山數頃書千卷乃辭親隸習孜孜矻矻不捨蚤夜洎四
五年業成舉進士軒然有聲時韋崖州作相網羅賢雋
知公名願與交公袖文往謁一見如舊由是公卿籍甚
名動京師得上第聯以賢良方正舉又冠甲科策中砥
言時事無有隱避持權者深忌之出爲伊闕尉名府賢
侯羔鴈繼至封章屢薦每爲中執事所沮皆不滿秩從
潞帥郝士美簡授管記三奏不得請竟除河南尉會有
次對六僚因言事解於上前遷監察御史丁太夫人憂

服闋除本官轉殿中公以文而氣直累歲堙屈問望所
屬推美於臺閣間入省拜禮部外郎時孟尚書簡有重
望以地官貳卿兼領細憲薦公知雜轉都官負外兼侍
御史免憲職授考功負外郎集賢學士穆宗即位宰相
稱其能遷庫部郎中掌書命召對與語上德之面賜五
品服未幾遷中丞每對延英必移時盡言天下事有武
將李直臣爲宿州刺史豪奪聚斂以貨數百萬厚結權
貴公按之爲有力者排幾不勝竟以詞堅理直上意迴
直臣乃得罪由是上以清直知又面賜金紫拜戶部侍
郎時望允塞中書令韓弘以財投分公拒而不受上因
他事知之愈賢公遂作相持重顧大體不言細事嘗謂
同列諸相曰致理之本流品爲先彝倫修叙蓋謂此也
每惜名器力與同列爭方鎮以不廉問者輒奏貶以賄

賂求進者必阻之先是李司徒逢吉與杜循州元穎同
作相穆宗寢疾議建儲貳與公不協後元穎出鎮并絡
逢吉銜之思有釋憾於政事堂謂公曰西川前有竅立
謀上熟知之來日延英發其事公不知慎勿沮議公曰
王導有言吾雖不殺伯仁伯仁由我而死正近此耳又
安得不言哉逢吉喑鳴而止敬宗年少嗣位公雅喜敷
奏每言一事必本末陳之上甚倚愛同列挾中助力赫
赫嫉公之賢公亦思避其鋒三上疏求外任上以武昌
善地建節幢兼相印以授之旣至問人所病害咸言鄂
上踈薄歲一修城役工誅茅人用咨怨公默許心計擬
汜範博未及三年盡換舊制崇墉堅壁入到于今賴之
文宗嗣位二年公入覲詔復相位上雅知公名一見恨
得之晚會宋相申錫以廉介聞巨姦鄭注挾北軍勢卜

射取財貨富侔於國忌朱之直陰畫詭計誣與藩邸通
因內臣而上其變造作似是動皆符會上驚聞激怒下
法吏議其罪諫官伏閣爭不得公入侍密啓上意乃寬
止於郡佐公實有力今李崖州鎮劍南西川上言西蕃
別屯以維州降帶甲之士甚銳其地要害得之足以壯
邊部徐圖河湟此其漸也上疑不決下南宮議百執事
皆是西川奏公獨曰國家近與昆夷軟血四鎮晏然今
若自虧大信大戎恃衆見詰渝盟彼直我曲未可量也
上曰丞相之言是詔還維州初德裕承藉地勢自負機
術公介特素不與之交及是六不平遂成宿憾公與李
尚書宗閔同輔政出入殿省進退有唐上偏目公曰卿
才類霍光異日可屈大事公懼滿辭位再陳封章寵加
端寮出鎮淮海不改相印再登將壇楊州當江淮之衝

習偷薄之俗以清淨簡易化人移風俾及五年拜于
至理倉廩實以札義行刑措政成脫屣歸洛優詔屢降雅
志不回拜檢校司空東都留守文宗將有大制置大除
授必降中使假於他方入皇城宣密旨獻可替否如在
君前其信重也如此俄以左僕射徵王人就賜官告特
明異禮公感恩雖厚退身愈堅一對而歸不詣相第亦
有中阻未諧人情又加相印出爲漢南節度使制出上
悔之欲追成命公固辭上曰且與卿周歲別出都門
特賜清廟器六事皆範金飾玉如古時製宣曰以卿精
忠用以矧別上寵待之禮當時無儔公到襄州均并稅薄
地征人用胥悅咸歌來暮武宗初纘極聽信未一行險
者乘時而起凶德叅會倒置天下事清賢名輩多被斥
逐惟公位高上德重最難搖撼競晚齟齬幾至二年厲大

水壤居人廬舍公以實上聞仇家得以逞志舉兩漢故事坐災異毋名九降授太子太保俄又改太傅再臨東郊劉從諫死劉伉俱自擅以昭義軍阻命天兵誅討五年方剋上喜甚素忌公者媒孽鍛鍊誣公與從諫交上怒下詔旬日三貶公至循州長史鑿空指鹿四海之士咸寬之公推運達命恬然如得好官時踰嶺越險二年在海上無所苦今上即位大明善惡三遷至少保轉少師牽復高位分司東洛池臺琴酒逍遙自娛賢士大夫尚其軌躅未半歲遽疾薨於東都城南之別墅自嬰疾至于捐館談笑語言宴居自若口占理命纖悉無遺上聞為之軫悼聯日不視政公卿相弔正人雪涕冊贈太尉遣大寮弔祭公端明簡重忠厚誠慤平居私室如對大賓不喜釋老唯宗儒教早與韓吏部皇甫即中為文章友

其名相上下曉與白少傅劉尚書為詩酒侶其韻無高卑前後作鎮皆佩相印辟署多名人難於進而勇於退儉必中禮貴而不奢知命達理保和居易三領大鎮接護羣以禮貌不至交歡再入中書待樞使以公平不容請託有恩必報有讎不校韋崖州於公因心也嫁二女歸者士薦長子登周行李崖州於公讎也卹竄謫之窮途厚供待於逆旅其厚德歟亦難能也夫人同郡辛氏贈棠射祕之女賢明懿淑稱於族姻有子五人曰蔚曰襲能嗣其業皆擢進士第蔚監察御史叢使府協律曰奉倩洛陽尉二人未知名公以大中戊辰歲十月二十九日薨以大中己巳歲五月十九日葬小子不佞早柶門墻考選第叨殊等之科開賓筵忝入幕之吏國士相遇筆札見知周旋款眷垂三十載刊石表德分地難辭公歷

官三十一政作相一十九年逮事六宗光輔四帝承主
恩必由直道解相印實無罪名自少及長不失色於人
佐時理家無悖入之貨持身不撓履道甚夷嘗病在高
位者不知止足終日抗論剋期拜章竟不及年俾孤美
志銘曰

公之生兮高星辰公之道兮侔古人公之才兮渾而真
公之性兮成以且仁公之文兮班馬鄰公之藝兮游夏均
公之儉兮曰我身公之簡兮無雜賓公之貞兮肅人倫
公之慎兮質鬼神公為相兮平如鈞公為邦兮政如春
公不幸兮惟數也公無辜兮介于循天開日明兮堯舜
為君舉直錯枉兮幽寃必伸牽復高資兮言旋洛濱道
遙琴筑兮無異隱淪屈指懸車兮歡然十旬素懷未遂
兮美迹來臻悲纏冕旒兮哀動播紳寵贈加等兮冠十

台臣有司職喪兮歸葬咸秦觀者歎息兮國人酸辛表
安慶餘兮令嗣執旒陳寔道廣兮門生振振乃續徽猷
兮刻于貞珉碑生金字兮名德長新

齊成公神道碑銘并序

權德輿

有唐文學政事之君子曰相國齊成公諱抗字遐舉清
方粹溫絜矩秉彝明誠盡性切劑化育之道精義入神
旁魄天人之際以忠事君以病乞身乃去台宰乃儕商
皓然後撤琴瑟啟手足歿齒無違德以從先大夫於九
原易名曰成不亦宜乎公某郡人自太公表東海相公
臣天下為國為家或哲或仁烈祖贈太師府君諱澣歷
給事中中書舍人吏部侍郎止於平陽太守出入陟降
中行山立至今言開元名臣者稱公有遺愛焉實生先
公贈國子祭酒府君諱翽履道貞厲仕至左龍武軍倉

曹積厚於上流光於下其位不充故大受於成公公既
齒而孤哀過成人屬幽陵橫潰中夏如燬奉大夫八安
輿違難於越得子州支伯之故地而借隱焉誅草茅以
順居息悅山水以資仁智方茂天爵用觀靈龜嘉招重
問奔走以狎至虛已弘道從容而翔集吳郡張相君鎰
方以仁義理濠上得君為榮及進律于洪成師于岐累
為命介若驂有勒建中中戎王請大和會以休寧西方
右扶風綿亘汧隴地當甌脫且有成命正其經界公實
佐中權登壇涖盟得其情數與之約結克就衣裳之會
用銷邊鄙之警自解巾三遷至殿中侍御史俄屬涇旅
竊發群兇肆毒天子展義於甸內王公死難於理所百
舍奔問至于行宮拜侍御史有詔以蕭黃門復布凱澤
于東夏命公為工部員外郎以贊焉復命轉倉部郎中

李懷光阻命于蒲連兵未解關中飢旱經費不足轉粟
饋軍濟時之難患求才急病命使以專達遷兵部郎中
兼御史中丞以董其任俄拜諫議大夫當軸者不相容
坐婚親細故出為處州刺史先是山越反攘蕩覆戒市
公乃卜勢勝之爽塏因習俗之便安三時不害百堵皆
作朝典陟明拜蘇州刺史吳實劇部大田多稼浮淫冒
沒吏禁或弛占著名數戶版不均公乃閱其生齒書其
比要強家大猾不得蓋藏介特單輕與之紓息已日乃
孚厥猷茂焉遷潭州刺史御史中丞湖南觀察使以嚮
時二郡之理而弘大之其仁可知也左曹理本徵為給
事中周郊寄重擢為河南尹盜有宋瞿雲者白晝推剽
為群偷囊橐三川病之幾三十年公法令嚴具網羅張
設潛捕魁宿使無遺類指顧之間擒擿如神乃作祕書

章明文雅修舊以起廢乃作太常統和神人節事以辯
志便蕃大僚其道乃光德宗皇帝方以堯舜氏聰明之
道馭天下用賢人充相位拜中書侍郎同中書門下平
章事熙九功之歌質百官之成損益文憲化裁形器精
微以折中密靜而不伐或事隱於造膝或言行於沃心
初天官氏每歲表他曹郎二人閱多士試言第其甲乙
春官氏俾考功郎中選老秀之親故者而進退之公以
冢宰小宗伯為官人取士之本蓋天子有司之重至於
避小嫌亂舊章適滋旁歧孰謂高錡蹇蹇坦坦之道豈
如是耶然後闢康莊作衡尺薄公是之路去自便之私
天下之人謂之理道尋有詔修國史昔孔父無位以空
文為一王法公當盛明之代用宰司摠直筆其於褒貶
勸懼明焉勤慮盡瘁積成寢瘁累音之告改太子賓客

遭罹不淑贈戶部尚書時貞元甲申山 厥夏四月春秋六
十有五夫人河南獨孤氏某官某之 女賢明蚤夭繼夫
人蘭陵蕭氏其官某之女仁順有禮 法嗣子餗銜恤毀
瘠侍公裳惟以某月日附于東都某 原喪祭哀敬君子
以為有後惟公深而通肅而寬出處 動靜必以中正敬
用五事暢於四支資性儼恪充長鑒 裁在政也薦齊忠
公映佐蕭也薦盧恭公邁皆至宰相 其他推轂薦士為
漢廷臣成天下重名碩望者不可勝 書凡所論著皆研
幾析理弘雅夷遠洪州文宣王廟碑 張蕭盧三相國碑
誌本聖人教化之贖推大政慕明之 道固其性術講貫
而發舒乎斯文文集二十卷中倫體 要盡在是矣公薨
五年餗調為洛陽尉永惟先烈未刻 豐碑以德興夙承
湖海之舊中丞掖垣之屬他日舉代 靡形話言獲於遺

編實見陰德顧茲無似有玷知人濡涕含毫以表幽宅

銘曰

昔在營丘六風泱泱有倬平陽令聲章章不踐宰政慶
貽子姓倉曹含光大學追命厥生中書秉哲居正鵬起
扶搖鸞翔慶霄乃登紫微以瑞清朝吉凶糾纏寒暑結
輻其生有涯其用未極壽堂冥冥宰樹森植揭茲馨香
終古是式

唐文粹卷第五十六

唐文粹卷第五十七

碑九 撫七首

吳興姚

鉉

纂

使相

唐太尉中書令西平王李晟神道碑

裴度

唐檢校司徒中書令咸寧郡王渾瑊神道碑

權德輿

唐司徒中書令許國公韓弘神道碑

韓愈

節制

唐四鎮北庭行營節度使扶風郡王馬璘神道碑

常袞

唐贈司空范陽大都督忠烈公李愬洛神道碑

楊炎

唐贈梁州都督隴右節度大使郭知運神道碑

張說

唐邠寧節度使史孝章神道碑

劉禹錫

唐太尉中書令西平王李晟神道碑銘并序

裴度

惟天錫成命於我唐保茲國祚生此人傑則西平王李公其是乎不然何覆暴如風振植桐葉戴君若鬻冠靈山橫流之中一匡而定公諱晟字白民器其先隴西人後徙京兆曾祖嵩皇珉州刺史祖思共小皇兆州刺史贈幽州大都督考欽皇左金吾衛大將軍干隴右節度經略副使贈太子太保代有名跡惟于西十一公幼好學學不為已及讀呂張孫吳之書慨然有經世濟物之志未弱冠遊秦涼間元侯宿將見者咸器異之乾元初嘗客武都值酋豪以缺守遘亂殺掠平人公與所從十數騎馳而射之殪其為魁者餘黨遂遁寇所虜獲積如丘山公一無所取惟牛醞酒享士而去邦人咸服具狀以聞特拜左清道率節以金紫將朝京師自獻方略屬商表紛擾有

王急賢河隴將帥相繼表用歷二府右職所至常以才謀為其委重累遷至光祿太常卿階爵在第一名涇原四鎮北庭節度都知兵馬使以懸識虜態周知地形應變不窮有奪有待驥驟庭而草展雲出岫而斯飛代宗徵以左金吾衛將軍為神策兵馬使屬羌蠻犯蜀朝廷濟師命公督禁旅絕棧道而往救焉公銜枚過險出賊不意連乘堅壁遂誅首惡還授檢校太子賓客且復舊職建中三年田悅以魏叛德宗極意致討悉起徂征以公為神策先鋒都知兵馬使加御史中丞與河東河南等道諸軍合擊公濟河而行能以衆正及破洹水陣解臨洛國灤魏屬城抵燕通邑其推鋒劔銳皆先羣帥而實力焉遙拜左散騎常侍兼御史大夫嚴切未成聞賊泚肆逆皇居失守西駕慟哭載馳載驅行及代北授檢校

工部尚書充神策行營節度公提孤軍募散卒拊循訓
勸以達行在值懷光中叛大駕再遷加檢校右僕射餘
如故尋轉左僕射同平章事兼京兆尹神策軍京畿鄜
坊節度觀察使管内及商華等州副元帥公固守渭城
決平秦壘調食制用先發我私指甘攻苦皆自我始每
一言一誓聲決俱發勇夫義士感而使之蔑不濟矣時
自雍而東延于汝洛震於河汴所在征鎮亂掠相從公
介巨盜之間使聲援斷絕立成師之法致號令嚴肅蒐
捕十旬指揮一舉棄壙壑而通軌道磔梟境以清宮禁
俾九市三條無輟肆之驚無秋毫之犯羽書速告鑾輅
爰歸廓氣侵為祥光據憂憤為喜氣詩曰允矣君子展
也大成斯之謂歟考古視今論功稱忠者多矣若至危
而安至難而易早榮跨邁如公莫傳拜司徒兼中書令

俄以兇孽未寧边防猶警岐下任重乃以本官兼鳳翔
尹鳳翔隴右節度觀察使及四鎮北庭涇原等州副元
帥改封西平郡王加食邑實封至一千五百戶公名懼
戎王政和藩部始至而生植少安而訓齊速四載賦輿
十倍其初會課入輔拜太尉中樞如故人或謂公勲望
已高寵渥已極宜從容頤養稍上遜避公曰不然人臣
外則盡心若止偷榮孰為且哲故每承帷幄之間則言
涕無隱理奪不回大指以東夏可平西陲可復或已行
而事終不顯或未用而身遽不遺以貞元九年八月四
日薨于位春秋六十七德宗撫几哭於別次自都邑達
關畿無士庶無老幼皆發哀相弔則曩時安人戢兵之
德可謂浹於元元之骨髓矣冊贈太師贈加等以其
年十二月十六日葬于高陵縣奉正原鄭國夫人杜氏

附焉自捐寢至安宅皆上所辦護中貴反覆萬情所奉
 如不及焉嗚呼以公之靜難扶傾不言所利雖存歿極
 位始終殊禮而天意若曰其福享未至故延於後有
 子曰愿故檢校司空河中節度等使贈司徒五列雄鎮
 三為上公曰聰故光祿寺主簿曰摠故太子中允贈兵
 部郎中曰慤左神武大將軍贈洪州都督曰恕故光祿
 卿贈右散騎常侍曰憑故右威衛大將軍曰憲檢校左
 散騎常侍嶺南觀察等便進因貴胄達以善政曰愨故
 檢校左僕射同中書門下平章事贈太尉克廣前脩仍
 執醜虜曰懿故渭南尉曰聽以檢校司徒義成軍節度使
 統戎按俗是以似之曰憇右以林將軍曰慤嵐州刺史
 地勢吏用兼而有焉粵大和元年秋七月聽拜跡上
 言以公之徽烈則御製碑文於渭川矣以公之風度則

詔命圖形於雲臺矣唯大其立巖鬱波松擯望有祁山
 之象拜無峴首之碑將刊貞石式表幽隧乃命臣度
 伐言詩其詞曰

建中季年大盜忽焉皇輿避狄狩於梁川顧謂太師汝
 才汝略將威致討必殄寇虐太師泣奉捐驅誓衆度其
 成城可以利用赫矣鋪敦傳於墻垣手搏足跡如衝如
 援一鼓而破一麾而奔掃清宮闈刷盪妖昏我師莅止
 我令行矣都人不知已事方喜飛章告慶飭駕言旋鴻
 烈耀古謹聲動天車服之錫河山之誓九命而俯一心
 若厲俾侯於岐阜安邊陸藩政既成袞職攸宜嶽降帝
 賚矢言詭詞我后嘉猷我躬何為道直氣和勞謙終吉
 福履所綏未至萬一上天不惠厚安適歸垂裕流芳用
 延恩暉翼子肥家將壇台席繼立奇功代傳休績聽與

伯仲永懷高蹤請于朝廷表是丘封帝曰孝哉胡可不從宣我祖之丕業繫爾父之嘉庸乃詔作銘以觀億齡

唐故朔方河中晉絳邠寧慶等州兵馬副元

帥河中絳邠節度營田觀察處置等使元從

奉天定難功臣開府儀同三司檢校司徒兼

中書令河中尹上柱國咸寧郡王贈太師忠

武渾公神道碑銘并序

權德輿

天地訢合以生百嘉其成歲功也則有震耀肅殺之助

焉君臣保乂以熙百志其講武功也則有經綸翼戴之

輔焉龍蛇起蟄山澤通氣與運相值有開必先斯太師

所以宣力四代稽暮七德輝耀威靈勤身濯化霆擊風

行乃緝熙于光明故琯戈淑拊以取師律黃旒玄袞以

正台曜湛露彤弓以覺報宴納書

也命以榮

始終如公之功公諱城字某其先夏姒之後為淳維

劉之代為渾耶或強為與國或分以保姓貞觀中開置

州壤就加官師曾祖元慶皇豹韜衛將軍靈丘縣開國

伯祖文壽皇太子僕贈尚書右僕射考釋之皇開府儀

同三司太常卿兼御史中丞中平朔郡王贈司空惟靈丘

紹先公之職居次卿之重僕射以積厚克家寧朔以偉

才雄邊貴仕崇勳乃列茅社流光追遠是加密印迴復

介社間生元臣功昭于前人德合于大君建中癸亥翠

華西狩公以大司馬艱貞翊從部勒戎車揣摩殺機勤

勞行內為上心膂登壇授律誓命交感如漢拜淮陰侯

故事而又加焉乃進左揆遂參大政摠賦輿而為之師

長恢王略而以北伐兇堂盡銳擊于武亭公以事鉅

師老則傷威重正合奇勝在於疾力奮寡擊衆鼓行無

前穢夷潰溺如建瓴水中堅席勝又覆於咸陽長轂啓
行旣門于延秋會西平王以東諸侯之師清宮獻捷公
乃抑其賈勇須彼成功室士心之剋代息兵火之氣燄
然後窮追斬級寇孽以平備法從於清蹕捧大明於黃
道告廟薦功登拜上台撫封尹正復與虜确時北平王
出大鹵收絳臺而公已總成師下左輔於是輯忠力揚
竒鋒復離宮拔堅壘衝陣壓境傳于蒲津金鼓之聲氣
相合山河之表裏皆復渠魁授首師帥協附安流以濟
方軌而前士不罹傷工不易肆殄寇正刑四方咸龢論
道進律乃平水土秉誼靖人以修班制休嘉賁于草木
利澤逮于鰥寡言爲軍志動爲吏師貞元景于政成一
紀進一邦十二居右弼十五年冬一疾十二月辛未日
于理所享年六十四皇上悼次不視朝五日冊贈太師

興德寺祠有司備物大僚襄事明年二月甲申葬我太
師于萬年縣洪固原太常跡其功德奏謚曰忠武禮也
初公年十一以門子仕于邊部未弱冠五遷至左驍衛
將軍始從朔方之師戰黑山次從隴右之師摧石堡又
掌西出臨洮奪昆夷之善地而爲之壁壘北絕大漠破
獫狁之堅甲而焚其廬帳又從汾陽王臨淮王討反虜
于山東攻贊皇北取真定射其特將李立節貫于左肩
斃之又五遷至太常卿皆以功次其間開地于河曲以
靜九蕃宣威于陝西乃定三川九王師之所以剋復都
邑元老之所以發揚蹈厲公必居其先偏而當其勦劇
故以御史中丞爲靈州左司馬以御史大夫爲邠州刺
史以工部尚書爲單于大都護專征上郡榆林之地入
爲左金吾衛大將軍又以戶部尚書奉普王出車之重

自時厥後投艱感繁能納大忠以恤大事理蒲十六年
再蒞公台以司空兼侍中以司徒兼中書令大凡歷官
二十八次真食千八百室居節制者五副元帥者四材
力絕人始封樓煩方內治平乃進咸寧九汾陽王九伐
之勲公皆左右四履之地公皆踐歷憫冊師禮法謚尊
名公皆如之所不至者壽而已矣惟公厚性寬中智謀
深靜秉義類以賦明命植端誠以紂王愿講功述職遠
意長利執德之柄蹈禮之輿致其用以格天啓其心以
沃聖協建皇極爲宗工元龜雅好左氏春秋班氏史得
考父之恭范宣之謙驃衛之功略黃韓之教化又嘗慕
太史公自敘著作行已一篇詞不矜大而事皆明備有
子五人曰殿中少監鍊太子中允鎬太子司議郎鉅櫟
陽尉鋼雲陽尉鐵者位于兩宮以奉朝請試吏于縣內

以脩事任食德而才稟訓而忠皆以純孝致其哀敬人
弟輔國大將軍右領軍衛將軍武當郡王玘與諸孤等
推丞彛景鍾之義因職表以聞有詔詞臣刻石傳信乃
採其贊書侯表作神道銘銘曰
北戴斗極陰方尚武玄金朱轄錫命都府太師間代感
會雲雨四征庇人九合尊主昔未成童則能賜勤卓行
深入致果忘身弱冠摧鋒環列南軍中興之後書社策
勲援抱兩河轉戰三秦靈翔郇邠所居必聞出統藩衛
入司徽巡時丁阨難節冠群倫逋誅煽結狂穢宮闕西
平鞠旅公亦授鉞旣臨延秋如火烈烈休士退舍時惟
不伐侵沴濛濛蒲津未通北平釋位公實撫封胥命長
春克成厥功開壁勞軍靡有不同以律則臧在和而克
時惟太師有嚴者翼乃敷仁澤乃布條職時惟太師有

功有德三公二府是獎是陟遂印易名以尊以飾材官
介士鹵簿懷惻大隧鮮原中南之北萬邦作憲永代是
式追琢馨香與唐無極

唐司徒兼侍中中書令許國公贈太尉韓公
神道碑銘并序

韓愈

韓姬姓以國氏其先有自潁川徙陽夏者其地於今為
陳之太康太康之韓其稱蓋久然自公始大著公諱弘
公之父曰海為人魁偉沈塞以武勇游仕許汴之間寡
言自可不與人校衆推之為長者官至游擊將軍贈太
師娶鄉邑劉氏女生公是為齊國夫人夫人之兄曰司
徒玄佐有功建中貞元之間為宣武軍帥有汴宋亳潁
四州之地兵士十萬人公少依舅氏讀書習騎射事親
孝謹倜儻自將不縱為子弟華靡遨放事出入敬恭軍

中皆目之嘗一抵京師就明經試退曰此不足發各成
業復去從舅氏學將兵數百人悉識其材鄙怯智勇指
付必堪其事司徒奇之士卒屬心諸老將自以為不及
司徒卒去為宋南城將比六七歲汴軍連亂不定貞元
十五年劉逸准死軍中皆曰此軍司徒所樹必擇其骨
肉為士卒所慕賴者付之今見在人莫如韓甥且其功
最大而材又俊即柄授之而請命於天子天子以為然
遂自大理評事拜工部尚書代逸准為宣武軍節度使
悉有舅氏司徒之兵與地衆果大悅便之當此時陳許
帥曲環死吳少誠反自將圍許求援於逸准啗之以陳
歸汴使數輩在館公悉驅出斬之選卒三千會諸軍擊
少誠許下少誠失勢以走河南無事公曰自吾舅歿五
亂於汴者吾苗疇而髮櫛之幾盡然不揃刈不足令震

賊命劉錡以其卒三百人待命于門數之以數與於亂
自以為功并斬之以徇血流波道自是訖公之朝京師
二十一年莫敢有譴呶叫號于城郭者李師古作言起
事屯兵于曹以嚇滑帥且告假道公使謂曰汝能越吾
界而為盜耶有以相待無為空言滑帥告急公使謂曰
吾在此公無恐或告曰剪棘夷道兵且至矣請備之公
曰兵來不除道也不為應師古詐窮變索遷延旋軍少
誠以牛皮鞵材遺師古師古以鹽資少誠潛過公界覺
皆留輸之庫曰此於法不得以私相餽田弘正之開魏
博李師道使來告曰我代與田氏約相保援今弘正其
非族又首變兩河事亦公之所約我將與成德合軍討
之敢告公謂其使曰我不知利害止知奉詔行事耳若
此北過河我即東以兵取曹師道懼不敢動弘正以濟

誅吳元濟也命公都統諸軍曰無自行以遏北寇公請
使子公武以兵萬三千人會討蔡下歸財與糧以濟諸
軍卒擒蔡姦於是公為侍中而以公武為鄜坊丹延
節度使師道之誅公以兵東下進圍考城克之遂進迫
曹曹寇乞降鄆部既平公曰吾無事於此其朝京師天
子曰大臣不可以暑行其秋之待公曰君為仁臣為恭
可矣遂行既至獻馬三千匹錦紈綺纈三萬金銀器千
而汴之庫廩錢以貫數者尚餘百萬絹亦合百餘萬匹
馬七千匹糧三百萬斛兵械多至不可數初公有汴承
五亂之後掠賞之餘且斂且給恒無宿儲至是公私充
塞至於露積不垣冊拜司徒兼中書令進見上殿拜跪
給扶贊元經體不治細微天子敬之元和十五年今天
子即位公為冢宰又除河中節度使在鎮三年以疾乞

歸復拜司徒中書令病不能朝以長慶二年十二月三日薨於未崇里第年八十罷朝三日贈太尉賜之布粟其葬物有司官給之京兆尹監護明年七月某日葬于萬年縣少陵原京城東南三十里楚國夫人翟氏附子男二人長曰肅元某官次曰公武某官肅元早死公之將薨公武暴病先卒公哀傷之月餘遂薨無子以公武子孫紹宗為主後汴之南則蔡北則鄆二寇患公居其間為已不利卑身佞辭求與公好薦女請昏日月既至卒不可得則飛謀以釣諂以間染我公先事後情壞其機牙姦不得發王誅以成最功定次孰與高下公子公武與公一時俱授弓鉞處藩為將疆土相望公武以母憂去鎮公母弟充自余吾代將渭北公以司徒中書令治蒲于時弟充自鄭滑節度平宣武之亂以司空居汴自

唐以來莫與為比公之為治嚴不為煩止除害本不多教條與人必信吏得其職賦入無所漏失人安樂之所

在以富公與人有軫域不為戲狎人得一笑語重於金帛之賜其罪殺人不發聲色問法何如不自為輕重故無敢犯者其銘曰
在貞元世汴兵五制將得其人衆乃一愒其人為誰韓姓許公磔其躬狼養食以雨風桑穀奮張厥壤大豐貞元元孫命正我字公為臣宗處得地所河流兩壩盜連為群雄唱雌和首尾一身公居其間為帝督姦察其嘖呻與其睨眴左顧失視右顧而蹠蔡先鄆鉏三年而墟槁乾四呼終莫敢濡常山幽都孰倍孰扶天施不留其討不逋許公預焉其賚何如悠悠四方既廣既長無有外事朝廷之治許公來朝車馬干戈相乎將乎威儀之多

將則是矣相則三公釋師十萬歸居廟堂上之宅憂公讓太宰養安蒲坂萬邦絕等有弟有子提兵守藩一時三侯人莫敢叛生莫與榮歿莫與今刻文此碑以鴻厥慶

故四鎮北庭行營節度使扶風郡王贈司徒

馬公神道碑銘

并序

常袞

皇帝使常侍以故征西扶風郡王臣璘功行之錄詔門下侍郎平章事臣案曰古諸侯大夫計功稱伐書于太常勒之彝器德勲高故其文懿事業實故其言遠有國之大經也納忠于王室豈衰紀之禮闕歟宜文其頌聲以昭示承休于豐碑焉臣謹按司勲之戎籍史官之年表而叙之云聖上稽黃虞之道以武功文德統御天下赫赫明明罔不率俾唯犬戎自擅寇于我西土而猶懷

以威德久而浸驕時乃大稽命將考之令典惟三年夏六月庶邦百辟洎侯王列將咸會于明庭乃大誥于爾在位有能典我西師人玁曰璘哉是用詔以鷹揚之命於夏有鸞旂瑠戈之賜公拜手稽首不敢辭難遂帥師朝那弭節涇流恢耀武威以臨于戎狄既至乃以戎服立于軍門之外奉敷天子之威命而訓于將軍列校六正五吏三軍之大夫曰惟昔盛明必有憂難其在殷高宗也有鬼方之征其在周文祖也有昆夷之患秦以安定北地戎狄內侮漢以金城隴西氏羌入寇故遣率以守衛中國脩戰而高尚武力國家道德盛於殷周甲兵富於秦漢亦有邊患尚營睿謀則疆臣之罪也將何以塞責誓將上奉神武之業下憑戎士之力鼓行而前殄殲群慝詞情抗厲風雲動色於是軍舉法以誓之令簡而

一衆畏而服雖矍矍老將聞而竦然乃周覽其山川以備其戰守有若犀兕其威貍豸其勇屹立而不動者持重之將統焉禦于水碛之衝蒙輪超乘縵胡突鬢眈眈而橫奮者雄毅之將董焉捍于瓦亭之陰輕軒飛翰聞闐桓桓隸於射聲校尉以出松谷百夫之特萬人之敵屬於車師後部以殿銅城火渠門之旗舒於大回川雷密頌之鼓殷於都廬山周之以木樵校聯布之以蘭石渠荅部勒既定天地肅然遂使魁健氣索猛鷲魂駭却略引去不敢近塞故八年之間再寇而已此皆親稟睿略協用武經前後獻功悉如宸旨方將大復流沙遠收故地奪我良將罔卒西事以大曆十一年月日薨于戎府春秋五十六天子廢朝而歎曰安得雄邊威敵之臣如扶風乎遣中命以迎喪顧近侍而流涕其至第也百

官會弔其遺籩也五校啓行賜以車馬含有貝玉所以褒大勲也初公自二庭統甲士三千赴鳳翔行在遂陳滅胡之策先皇帝竒之曰吾無憂於東方也遂戰青渠陣豐水收二陝復三川衛南以百騎破五千河陽以一旅摧十萬史朝義悉師自將大戰邛山國家以天下勁兵夾攻未動公獨率所部不陣而馳偃旗先登闕如虓虎鬪酣披靡橫貫而出迴戈奮擊虜陣始破交突數合轟然大潰時副元帥太尉光弼壯之曰吾用兵三十年未見以少擊衆雄捷之若此每有征伐大計悉咨訪焉斯亦群帥之傑旣而移軍右輔疾援河西固已離之心存將棄之地及聞僕固懷恩之變即日旋師萬類千群延蔓山谷輕行轉鬪虜殺而歸屆于岐都寇已四合公乃持滿外嚮坐入懸門未及解甲背城出戰戎師北走

數騎前追背血橫灑朱殷金甲搗戟而墜應絃而倒者
數千萬人可謂三軍之絕也至於理鄭國撫賴封化郇
邠寧上郡勤於藩職惠於長人勞俸流庸贍卹孤老縑
綜綿纊工於織紉入而有制故大東之刺不作禾麻菽
麥業於播藝用之有節故自北之化可懷此又列郡之
率化也公字某扶風人也自秦漢至於國朝公卿大將
軍通侯二千石踵武王室休有烈光曾祖昭朝散大夫
新豐縣令祖正會右威衛將軍扶風郡公贈光祿卿父
晟左司禦率府兵曹叅軍贈太子少保忠孝在門文武
繼代宦婚之盛士旌以有輝惟公勲曾華茂雄姿高爽少
有四方之志以才氣自任擺落凡格不嬰細微故弋獵
畋漁嘯咤川澤年一十讀伏波傳至大丈夫當於邊野
以馬革裹屍而還慨然而歎曰豈使吾祖勲業墜于地

乎由是慷慨不邊戎徘徊孤劍遂西至絕域以奇功累授
裨將歷金吾將軍殿中監太保御史中丞遷御史大夫
領北庭行軍使邠州刺史加工部尚書節制涇原以鄭
穎二州餘之守拜右僕射知省事階至儀同進封異姓
副軍以降略而不書以英明之識遇聖明之運故得竭
其智謀極其任遇抗大節以激危難據洪仁以庇傷殘
公之理軍也以穰苴兵法孫子十三篇先以正合終以
奇勝閑廓深邃應變無端與之安與之危故可合不可
離同其敗同其成故樂死不樂生至於木罌濟河登山
拔幟解鞍而卧鞭馬而馳兼之有餘亦不差異嘗以家
財二百萬贍三軍與其散已食於行伍陳賜金於廊廡
何相去之遠哉公之事君也奉之以實納之以忠造膝
前籌詞禮明順檢身無過恭謹畏慎祿賜所加則受小

辭大任使所及則履險讓夷以忠材而親重有絳侯之
遇也以簡質而倚愛有吳漢之信也所謂國之神將朝
之蓋正終慶於家永於福祚鍾石享於祖考帶礪傳於
子孫且哉嗣子盱等重族之盛隸業承家哀哀執喪痛
結天壤萬家葬地能誠昔賢十里立封亦非遺志獲承
君命欽率朝經請謚嘉名謂之合禮銘曰

峩峩雍城積高氣靈氣主金行良將乃生琅琅司徒雄
略縱橫眈眈其視震震厥聲四方靜難二紀操兵初奮
厥武車師戎府鐵馬蛇矛大黃白羽天山瀚海歎薄風
雨驍騎三千披荆謁主從我撫軍擊胡滅虜迴戈涼野
解敵歧下烈烈英風橫飛西土遂佩玕璫分雄檠戟寵
臨方鎮迺蔚迺赫洪稜遐振虛男氣外折惠化滂流人心
內結昆夷先零白旆至涇受望開宸展朱旗撫征密陰前

塞義渠故城丘巒陵谷遠近相屬澶漫傾合紆餘
野戰高秋金羈馳逐左揮右射虎捷神速番渠愕視
姓推伏國于扶風祚爾嘉庸位長庶寮鴈行三公主用
蕃錫我有鼓鍾叔父昆弔燕私邕邕功成身歿寵厚厥
終周漢二宣皆有勞臣北征西討出車鑾鑾今我司徒
實同厥勳王室光照後昆

唐贈范陽大郡督忠烈公李公神道碑銘

楊炎

秦霸也張祿去魏漢興也淮陰離楚龍鳴風雨之會蛇
變泥蟠之中逶迤感通相氣相合斯冥契也豈人力也
皇唐贈司空范陽大都督李公諱楷其本出於隴西八
代祖節後魏鴈門太守齊之亂族沒鮮卑東遷號良
將之家北部實大人之其生激碣其居戴斗海塞迴

抱興公之氣天星下直分國之祥英氣混茫熊據龍驤
望其形得山河之狀觀其銳見金鼓之威神明爲徒義
勇爲器久視中以驍騎入于遼西臨太原南震燕趙
雲火照于河上天兵宿于北門朝廷憂之有命招諭合
以信誓際于天人話言咸寤撫劍歎息是歲以控弦之
士七百騎垂橐入塞解田來朝以其本技復賜李氏授
玉鈴衛將軍左奉宸內供奉圖形雲閣之中置酒蓬萊
之上君臣相賀羽衛生光君子曰井谷不可以游龜龍
蟻垤不可以戴松栢漢於是始靖虜於是始憂是後嬗
韎鞞于鴨綠之野覆抹胡于榆關之外北出障塞懷其
王庭南救河源復其死地石壑之役以一旅定三軍冷
陪之師以虛聲破精勁東封之歲外將天軍河湟未寧
西護監牧雲麾鐵騎山動地踴右據清海北登狼山水

泮則會師風高則出塞皇一威振于四海王化敷於無外
故得夫命三錫天馬輅駟定國難者兩朝拖侯服者四
紀會兵車者百勝出帳下者千人國有事未嘗不勤勞
無私可謂知禮於戲天道一曖昧胡星隼殞以營平之年
不終夫用以伏波之病再一出窮荒天寶元年五月二十
日自河源薨于懷遠縣之師次春秋六十七贈營府都
督明年詔葬于富平縣塋山原維公智之大竇神之異
門心和體剛慮遠精徹田心乎耳目之外行乎變化之中
震呼戎獯嘯吒風雲貔虎之悍以禮成百萬之強以謀
勝故鮮卑因之以疲中國二天后取之以空大漠於中宗
開朔方之地四百里於處宗食佐命之邑三千戶於玄宗
宗則主禁衛吞諸戎東西南北動罔不剋禦戎安邊凡
十命焉祚于後也死子大尉中書令東都河南江淮等

道副元帥臨海郡王光弼少子太保御史大夫渭北鄜坊等州節度使武威郡王光進負河圖以列四星遇英主而當三傑肅宗之功復區宇更為桓文今上之道訓華夷並為召畢乾元中天子以公炳德丕赫積仁流慶大福再成沒而不朽乃命太常追考功績謚曰忠烈贈司空范陽大都督夫人贈號韓國夫人於是建廟堂命宗紀室有山龍之服樂有鍾石之和昭宣令圖是有銘篆銘曰

茫茫上象降精于北是生純臣其在異國矯矯府君蔚其英靈蛇蟠斗極鵬化南溟來于本邦會此天庭風驅虎旅晝食狼星綿綿塞草天隔華夏北距陰山野無胡馬殊勲大績玉劔玄社天摧武庫海折崑崙在昔遺慶惟魯臧孫曰聖在天勤于至道既命太尉又崇太保一

門四龍二作元老赫赫元老一氣含清真白髮重有親帝命韓國祚于夫人亦詔勳立下寵明神彼捧此石之磷悠悠令德萬士清塵

隴右節度大使贈

涼州都督郭公神道碑銘

并序 張說

四序平分清秋之氣勁五方異俗崆峒之人武故隴上多豪山西出將其有雲龍感召星象特生金鼓登壇隱如敵國麾幢指塞自比長城得之於太原公矣公諱知運字逢時其先太原著姓今則晉昌人也本乎文王之弟是為號叔號或云郭因而氏焉自燕昭尊隗以築宮漢祖封亭以列國其侯于陽曲宅彼太原舊矣亭之玄孫友從太原徙隴西昭帝分隴西置西平郭氏又為郡之右族友之昆孫武威太守憲憲之猶子散騎常侍芝

俱有名跡見於魏晉則晉昌諸宗散騎之後也爾乃一
門連譽時人號曰三儒四海齊名天下謂之八凱光祿
派分於馮翊廷尉世茂於潁川孝則天錫奎金忠則帝
章冕服仁則猛獸不害信則童兒不欺豈直介休見有
道之碑洛陽聞立德之傳而已曾祖欽瓜州大黃府統
軍上柱國祖才朝議郎瓜州常樂縣令上柱國父師朝
散大夫上柱國贈伊州刺史積鹵之地戎馬生郊業戰
鬪而弘勲仕州縣而為達啓莫京之繇福不在於其身
積無聲之善慶必流於後嗣公太白之精雷泉之靈膺
家之禎為國而生身長七尺力能扛鼎猿臂虎口虬鬚
鶚麟射穿七扎劔敵萬人子鄉路逢達識將軍之相唐
舉一見足辨封侯之骨解褐以善戰授昭武校尉秦州
三度府左果毅以敗狄北庭加游擊將軍沙州龍勒府

折衝兼右金吾即將瀚海軍副使以軍界破虜即授其
州刺史進當軍經略使朝廷以未愜前除且有後命
本位中郎將仍舊為州軍使默啜之寇北庭也公奔命
解圍軍聲大震加雲麾將軍右武衛將軍封介丘縣開
國公食邑二千戶開元二年吐蕃入隴右掠峒牧公兵
以奇勝寇不復蹤積甲山齊而有餘收馬谷量而未盡
歸功廟筭朝議多之拜羽林將軍持節隴右諸州節度
大使兼鄯州都督河源軍使鎮西陲信國之藩屏坐北
落亦王之爪牙故入奉期門而出寄分閫於是料敵無
備問其師老潛軍一舉大俘九曲鑠甲文劔斃馬犛牛
既獻戎捷遂頒朝賜乃兼鴻臚卿攝御史中丞封太原
郡開國公加前食邑三千戶執憲摠軍典屬乘障增爵
益邑遇厚恩深俄而六州羣胡相率大叛命公統隴右

之騎濟河曲之師鋒鏑爭先玉石俱碎拜右武衛大將軍授一子官金銀器百事雜彩千段班師臨洮邁茲虐疾嗟乎匈奴未滅宿志不申生也有涯死而猶視開元九年十月二十二日薨於軍舍春秋五十有五蕃夷邊鎮血面摧心悲慘風雲號慟山谷豈非良將視人如子人亦視猶父乎皇帝憫焉詔贈涼州都督米粟五百石錦帛五百段命都水使者張景佚備物護葬遵朝典也惟公氣猛而性和量寬而精銳沈謀可以掩著蔡雄斷可以奪鬼神故常糟粕韜鈴芻狗風角然其樹恩結信立威用武烜赫如風濤震湯如雷雨戰必克攻必取每有奏謁帝特稱歎孝文之得魏尚虜不足憂太祖之見郭嘉知成吾事前後錫錦之寶帶文馬素文爛其盈門長鳴在廐感知已之主陳以一死之力皇情西顧則九卷

豐鼓詔書北伐則六狄焚旗上成聖君之玄鑒下効武臣之素節其竟也如此夫為人子立廟致敬祖考來格不亦孝乎為人臣恢疆禦侮以勞定國不亦忠乎若然者歸義方於先人揚令名於後代可也嗣子英傑起後定遠將軍左領軍衛翊府中郎將假紫服金章河西節度副大使英奇朝散大夫前尚輦奉御英協游擊將軍前京兆府勵行府右果毅都尉英彥朝議郎前左衛曹參軍等咸善居喪而過哀或從王事而奪禮則知辛賢父子繼位將軍祭彤弟兄並參師律去本不戀達也而新是謀權也嘉此武功創其宅兆以十年七月葬我太原公夫人燉煌索氏祔焉禮也皇上念功以惜惜逝厚終以遇存有詔詞人為其碑誌介士送葬即封征虜之墳單于入朝當祭度遼之墓銘曰

恍恍將軍雄略冠群平西征北震戎懼德亭障臥鼓屯
田饋軍仗此白刃致彼青雲郭侯宴喜既多受社玄杜
黻衣清廟燭祀九鼎食金奏炮鼉膾鯉既來不庭有嚴天
子流沙博望羽林飛騎河曲迴兵臨洮舊陟手握金節
魂沈王帳千田王送喪三軍悽愴詔葬禮崇恩碑義豐生
為神將死為田也雄身世一滅榮華萬空祁連之墓長於
武功

唐取邠寧驍州節度觀察處置使朝散大夫
檢校戶部尚書兼御史大夫賜紫金魚袋贈
右僕射史公神道碑 劉禹錫

僕射名孝章字得仁本北方之強世雄朔野其後因仕
中國遂為靈武建康人曾祖道德贈右散騎常侍封懷
澤郡王祖周洛銀青光祿大夫檢校太常卿兼御史中

至魏博節度使終于河中晉絳慈隰等州節度觀察使
檢校司徒兼侍中河中尹贈太保其薨也大臣中書令
晉國公裴氏為之碑其名益顯公即侍中之元子母曰
翼國夫人李氏幼而聰寤父母賢而加愛焉及長好學
遷善秀出儕輩鄴下諸兒號為書生元和中太尉愨為
魏帥下令掄材出轅門取大將家翹秀者為子弟軍列
于諸校之上公獨昌言願効文職太尉深竒之遂假魏
州大都督府叅軍長慶二年常山衆叛害其師沂國公
田司徒于帳下沂公發迹于魏人猶懷之詔命其子布
以尚書授鉞統魏兵問罪于北疆且報家禍布既啓行
士氣不振渙然內潰獨與元從之旅偃旗而歸百憤攻
中卒自引決元侍中時為中軍都知兵馬使兼御史中

至全師在野聞然推戴之請為假侯以鎮定中貴人飛
駒上聞穆宗夜召翰林學士草詔書以真侯命之實有
魏士從衆而合權也是歲公白攝官轉本府士曹參軍
兼監察御史賜朱衣銀印推恩以及子也一旦跪于父
母前進苦言曰臣竊惟大河之北地雄兵精而天下賢
士心悔之曰河朔間視猶夷狄何也蓋有士者多乘兵
機際會非以義取今臣家父侯母封化為貴門君恩至
矣非折節礪行彰信于朝廷無以弭識者之譏寤明君
之意節著於外福延於家乘時蹈機不可旋踵言訖泣
下數行父俞母贊天性交感三心既叶萬衆潛化天子
聞而嘉之曰彼真有子乃授檢校太子左諭德兼侍御
史充節度副使累遷至散騎常侍兼御史大夫賜金印
紫綬三軍之政事如命卿弛張損益所以參決潛革故

態人知嚮方大和二年滄景節度使李全略卒其子同
捷竊據故地詔下以文告弗革遂用大刑先侍中表請
率先諸侯使元子以督戰制曰可公承君父之命乃捐
其軀一舉而下平原壓滄壘由是加工部尚書及王師
凱旋上表願一識承明廬詔允遂赴闕下得覲便殿上
曰嚮吾始征滄州議者皆曰彼魏之姻也慮陰為寇謀
吾發使數輩以偵之其還也僉曰爾父瀝款于爾廷爾
毋抗詞于簾下願絕姻以立効其經始啟發出于爾心
今滄海砥平榮勲之日宜貴爾三族命爾父為侍中遷
鎮于近地加爾禮部尚書析相衛澶三州為鎮以居之
俾爾一門大榮以誇天下公拜誓首謝父遷讓已爵禮
無違者翌日詔見于明庭人咸曰史氏之寵光古無有
也牙旗碧幢方指東道侍中以帳下生變聞秦極而否

當歌而哭迎柩于路仰天長號因葬于洛陽之邙山翼國夫人祔焉寢苦枕塊以所仇同天為大酷未幾詔舉金革之義起為右金吾將軍累表陳乞有司以違命督之輿疾即路間歲擢授鄜坊丹延等州節度觀察處置等使居四年遷鎮于滑一歲入為右領軍衛大將軍旋改右金吾大將軍又授鉞于邠土孟秋至治所首冬邁疾拜章入覲不克展和鸞警革之儀薨于靖恭里之私第享齡三十九當開成三年十月二十日上聞而悼之不視朝一日贈尚書右僕射明年二月歸葬于洛都夫人瑯琊王氏祔焉繼室深澤縣君博陵崔氏有一子曰渙生七年而孤僕射之喪自復魄至葬當門戶備祭祀建碑表皆縣君之能且命其家老具事功來請發不恤家而憂幼嗣不知其先人之官業乞辭以傳于後也君

子以為知禮謹書之銘曰

斗極之下崆峒播氣終于侍中孔武且貴奉上致命宜昌後嗣僕射承之良弓不墜耳頰鉦鼓心悅文字虎穴之中生此騏驥大和紀元滄景不度子弄父兵跳踉海壖有隣陰交蝟起雞連詔下薄伐良隅騷然時惟侍中實統魏師蓄銳未發衆心危疑僕射為子陳謀盡詞與言涕零有感尊慈絕姻効節精貫神祇滄波底寧王命褒之乃遷元侯來鎮近畿乃祚元子別建旌麾一門四節輝耀當時倏忽變生魏郊紛披喬木雖大盲風不知千雲之臺烈缺焚之哀哀孝嗣丁此大酷迎護幃幃葬于東洛訴天觸地血染縗服禮有金革詔書敦促不遂枕戈驟膺推轂雕陰白馬暨于邠谷雖榮三鎮不荷百祿綺紈之間珪組纍纍如彼晨葩日中而萎有妻名家

有子稚齒行跡執禮歸室蒿里洛水之陽脩印之趾尊
卑穆敬幽顯同理舊松新柏亦象橋梓刻石紀功垂于
萬祀

晉府

勅賜養德書院校正重刊

唐文粹卷第五十七

